

中國史學叢書

王蘧常編著

沈寐叟年譜

商務印書館發行

中國史學叢書

王遽常編著

沈
寐
叟
年
譜

商務印書館發行

中華民國二十七年七月初版

(93379)

平

中國史學叢書 沈寐叟年譜 一冊

每冊實價國幣肆角伍分

外埠酌加運費匯費

編著者 王 蘧 常

發行人 王 雲 五
長沙南正路

印刷所 商務印書館
長沙南正路

發行所 商務印書館
各埠

版權所有
翻印必究

(本書校對者鮑嘉祥)

沈寐叟年譜

先師沈公諱曾植字子培號乙盦晚號寐叟

案公別號甚多如蒼盦、樟盦、乙盦、乙盦、寐翁、睡庵、睡翁、通齋、遜翁、老遜、巽齋、遜史、李繼農、餘齋老人、省翁、

香樹史、蠹齋、皖仙、宛委、善提坊、真病、維摩、釋持、梵持、建持、持卿、隨庵、守平居士、谷隱居士、浮遊齋、慎服、共、楚、東軒、東軒支離、濤齋、濤齋、袍遠、兌廬、東湖齋主、鑿者、戴長、姚垓、老民、蕭軒、蕭軒、蕭軒、東軒、小隱、其他尚不可備指、浙江嘉興縣人先世籍隨官明成化間有用霖公者失其諱名儒高隱自隱

官遷嘉興郡城外長水塘

案見沈氏舊族系譜及公從伯曾祖帶湖司勳叔頤羅文文集卷十五世祖用霖公九世祖松石公家傳

三傳至秀溪公諱應儒始

遷居郡東門外熙春橋以樂善好施聞實爲公十一世祖家遂穎穎日起而子姓漸蕃

案顧綽堂集卷十五八世祖禮

部公家傳則謂八世祖諱詔字朝恩自長水遷於熙春橋家焉此從公父贈光祿水部公所輯公祖司空公年譜不知孰是姑兩存之

五傳至映渠公諱廷煥郡庠生誥贈榮

祿大夫配諸贈一品夫人則公之高祖也

曾祖諱學堦字自堂邑庠生誥贈榮祿大夫妣陳

案公大父司空公補讀書齋遺稿卷十皇清例贈文林郎顯老守拙府君行略只云配我母陳孺人處士諱門公女

已不能舉誥贈一品夫人

祖諱維縉。字鼎甫。號子驤。賜進士出身。官至工部左侍郎。誥授榮祿大夫。學者稱小湖先生。有補讀書齋遺稿十卷。

案其門下士曾濬生文正公國藩爲作行狀云。公少而刻厲。自力於學問。然不嚴傲爲世俗科舉之業。獨慨焉欲有造於聖人之遺經。與古碩儒之詣。嘗受學於湖書院院長段茂堂先生。一見深敬。

異之。嘉慶六年。舉於鄉。七年。成進士。散館授編修。以文學受知仁宗睿皇帝。充皇清文穎館纂修官。奉命輯全唐文。又入直懋勤殿。與修秘殿珠林石渠寶笈。累有白金文綺之賜。充辛未癸酉鄉會試同考官各一。再遷爲司經局洗馬。督湖北學政。在任遷翰林院侍講轉侍讀。宣宗卽位。授翰林院侍講學士。與修仁宗實錄。二年爲福建考官。試事畢。遂督學福建。先是前學政韓鼎昌督奏稱各省士風非一。任事者或不隔良幣。一切痛懲之。不肖之徒。累及賢者。大失朝廷所以勸士之意。請分別勸迪。以培士氣。至是命總督趙文恪公慎畛與公集議。因益推論所以約官吏。育人材。使善者得息。而不類者亦得所懲。言甚切至。奏入。從之。在任轉侍讀學士。擢大理寺少卿。八年。督順天學政。累遷太僕寺卿。宗人府府丞。都察院左副都御史。十二年。督學安徽。期滿當受代。諡仍留任。在任授工部左侍郎。公於是五督學政矣。公爲學政所至常促促自將。使表植剛端。人士翕然鄉風。乃轉櫛而長養之。莠者畏匿。秀者茁出。又因事任功。以爲人士休。自四省之士。與當時嘗所共事之人。其所登崇。皆曰明。其所摘治。皆曰察。其所更置。皆曰有功於我。任安徽時。嘗以鳳陽府屬之壽州。鳳臺去郡闊遠。餘數百里。又有長淮之阻。風濤覆溺者比比。乃與總督陶文毅公澍。巡撫鄧公廷楨。建議奏請。更設試院於壽州。使二州縣士。就試其中。下部議行。人尤以爲便。公自分校鄉會試。及典鄉試。號爲得人。如侯官林文忠公。晉江陳給諫慶緒。並爲當世所重。泊爲學政。所取尤多樸士。時論謫公之演司文柄。有以賢於人者也。十八年。以疾致仕。公既以篤學懿行伏天下。自少至老。未嘗一日輟業。其後罷官居京師。益講明學術。以風後起。於書無所不窺。人治之大。古今之變。典章沿革聲音訓詁之縣。皆掇其要旨。其治通鑑一書。旁考參稽。朱墨點勘。反覆數過而不已。嘗爲姚文僖公文田古音諧書後。貢正音部分。以達他部之流變。深究崑山顧氏發源江氏之旨。至於他學。亦多所發明。然必折衷於義理。歸命於有宋諸子。及前明國初諸大儒之書。尤多且久。潛心獨詣。日食而身被焉。嘗序長沙唐先生鑑所纂學案。謂由漢唐以來。學者中於釋老之害。其尤敝者。金谿姚江之倫。襲儒者之似。以網縫佛氏。泛濫乎天下。沈溺乎人心。聖清興而平湖陸子。桐鄉張子出。其微少燈矣。然猶有詖邪之徒。爲網傳之說以相眩。學者泯泯。罔所適從。激而愈變。乃復有末學小儒。掇拾漢氏之餘緒。以與程朱相攻難。此

皆學術世道之大憂。而有識者所深閤也。蓋公之自得於中。而不肯苟同者如此。然公未嘗論著以自標。而獨實以措之人已上下出處取與之際。確然自致於其內。而夷然裕乎其外。誠恭方質。可慕而則。服官踐職歷四十年。體用充備。本末完好。天下識與不識。皆稱爲賢者。至其引疾早退。皆以其用未竟爲惜。其家居。皆依附之。其歿也。哭之皆哀云。道光二十九年。江淮以南大水。西潯則湖。東至於海。滔滔七省。浙中郡縣漂沒。民無所得食。公致書巡撫吳君文鎔。告以先後緩急之策。巡撫君然公言。遂咨以事。求共濟。公博採綜畫。夙夜憂勞。竟以成疾。以是年六月某甲子卒。年七十二。其後巡撫君卒入告。天子頒帑金數十萬以賑窮民。浙人獲蘇。議自公發也。公持身約甚。雖貴顯矣。而被服寒素。歲祿所入。恆以急人之乏。晚謝嘉興。置墓田若干畝。以贍族鄰。月給廩粟。以賙貧窮。贖金以廣恤廢之額數。凡可濟於物者。傾身求之。其於一己之嗜好。泊然無所求也。間獨喜藏書籍。多方購訪。必致而後已。如程氏讀書分年日程。羅氏困知記。陸氏思辨錄。張氏遺書及年譜。祝氏淑艾錄。汪氏儒先晤語。諸書。世或不多有。與雖有而漫漶訛脫不可讀者。旁羅舊本。手爲訂正。爰複刊誤。付諸梓人。前後三十餘種。又聞天門胡氏讀書說放佚矣。有官其地者。屬爲訪其後裔。刊以行世。蓋其深知篤好。快發幽光而惠來者。亦不自知其力之勤也。子二人。宗涵刑部司務。宗濟太學生。孫二人。曾榮。曾植。謹具歷官行誼。及爲學之指歸。牒付史館。備甄擇焉。此文不載求闕齋文。妣顧。元和乾隆丙戌進士署廣東惠善道惠州府虞集中。公學術行誼與司空至有景響。故附之。備學者參稽焉。知府寧甯孫女。國子監監生有輩女無出。虞金壇乾隆戊辰進士順天府府尹鳴球曾。誥封一品夫人。孫女。陝西整屋縣丞書寶次女。

誥封一品夫人

父諱宗涵。字儼伯。官至工部都水司員外郎。誥授朝議大夫。公貴。誥贈光祿大夫。妣葉。歸安乾隆癸丑進士廣西巡撫

紹樞孫女。嘉慶丙子舉人。候選知縣葆勳女。此依。仁和乾隆乙卯進士江西巡撫文綺孫女。誥封恭人。誥贈公庾民食試硃卷。司空公年譜不載。疑未娶前卒。韓。嘉慶戊辰舉人。候選知縣綬章女。

一品夫人。中父諱宗濟。字廉仲。官至廣東連州直隸州知州。以公官貤贈光祿大夫。無子。以儼伯

公季子公弟曾樾嗣。公兄弟四人。伯曾榮。初名曾慶。見司空公年譜。字子承。號載廷。公仲。叔曾桐。字子封。號同。季

曾樾字子林·女兄二人皆蚤殤·男女行則公居四·故鄉里又稱公爲四先生也·

清宣宗道光三十年庚戌西曆一千八百五十年·公一歲

二月二十九日酉時·公生於京師南橫街寓次·案贈光祿公於道光二十八年二月以女弟許字李氏·時李增蔭生德我需次虞部·不能就嫗·奉司空公命·挈眷伴送入都·

九月在順天捐輸保奏·以部司務籤分刑部·兼貴州司行走·二十九年六月二十七日·司空公薨於里第·贈光祿公奔喪回籍·見司空公年譜·而眷屬未言歸·公生當在北京旅次·公海日樓詩集卷二·逸社第七集分詠京師勝迹得陶然亭詩·有云·我生於燕長於燕·可證·又當時贈光祿公寓廬·當在南橫街·以公此詩下卽云橫街珠巢四十年也·珠巢亦街名·見後·又公俞策臣先生畫跋云·先生畫六葉·咸豐辛酉居南橫街老屋東廂時作也·先生館余家·曰老屋·則居此久矣·時公父贈光祿公三十二歲·公大父司空公薨後一年·而洪秀全起事之年·雅片戰爭後之三年也·

文宗咸豐元年辛亥一千八百五十一年·公二歲

十二月八日·司空公葬於郡城南門外王店案古梅會里·北七里十八莊榨節里之阡·移顧虞兩夫人之

殯祔焉·陳頌南給諫慶輔司空公墓誌銘·案同里金甸丞太守紫鏡澹湖遺老集卷二·和乙師舟行雜詩·注云·乙師言葬司空時·刑家云三十年後必貴·但不利長房·司空長子宗涵云·果吉·我不惜當其咎·至同治癸

酉・乙師得舉京兆・庚辰丙戌與弟同叔先後成進士
入翰林・對持藻節於皖粵・皆宗涵子也・附記於此。

咸豐二年壬子一千八百五十二年公三歲

咸豐三年癸丑一千八百五十三年公四歲

九月公弟子封曾桐生案凡不注出處者皆得之公
嗣子慈護丈類之言下放此

咸豐四年甲寅一千八百五十四年公五歲

咸豐五年乙卯一千八百五十五年公六歲

十月公季弟子林曾樾生

咸豐六年丙辰一千八百五十六年公七歲

公七八歲時。除夕仰見三星。輒淒然淚下。

公海日樓詩集卷一次。寒山小除夕詩。天上星辰還歷歷。自注。余七八歲時。除夕仰見三星。輒淒然淚下。五十餘年。此景不忘。

悲亦未憫也。蓮案此意殊不可曉。

咸豐七年丁巳

一千八百五十七年 公八歲

五月十八日。贈光祿公殯於京師。時贈光祿公官工部候補員外郎都水司行走。公蹕踊哀毀如成

人。先是司空公贈光祿公居官廉。至是益困。家無恆師。

案公受業師。自俞幼珊。高鶴生。兩大令。羅吉孫。中書外。多不能考其受業年月。據公庚辰會試硃卷。

受業師有孫春洲訓導堃。周克生明經曰楨。王楚香教授寶善。俞幼珊大令功懋。高鶴生大令偉曾。秦皖卿。阮際生大令堯恩。朱厚川刺史麟泰。周飭侯孝廉曰簋。王莘鋤主事緯。羅吉孫中書學成。及長兄載廷大令。凡十二人。多不可年繫。附出於此。鞠於韓太夫人。
公嗣子慈讓。丈類哀啓。 太夫人鐙下課義山詩。成誦始寢。通音均之學自此始。

金甸丞太守東軒先生沈公傳。自注云。此得之緒論。

咸豐八年戊午

一千八百五十八年 公九歲

咸豐九年己未

一千八百五十九年 公十歲

是年中父連州公自里中入都。沈廉仲補讀
書齋遺稿跋

咸豐十年庚申一千八百六十年公十一歲

夏洪秀全軍擾嘉郡。沈廉仲補讀
書齋遺稿跋里中藏書多被燬。寐叟
題跋

秋英吉利法蘭西聯軍入寇。陷大沽礮臺。據天津。自通州進窺京師。公侍韓太夫人暨連州公避往

昌平。案公題俞策臣先生畫冊詩云。山氣闊無畫。慘慘雲而風。疲民靡若寐。危石支孤筇。青坂曉奔師。甘泉夕傳
烽。百里雷震驚。九天霧冥蒙。鬢年識此境。播越寧都東。慈母撫諸孤。寒宵淚鐙紅。沙河長鉞夾。南寺毗

沙雄。驅瀾印不忘。童心弱能容。一日從連州公姑壻李蓼生方伯。德我登昌平州城樓。四山黯黯。時初聞圓明園警。

雖童幼甚慘怛也。公俞策臣
畫策跋

咸豐十一年辛酉一千八百六十一年公十二歲

是年從同里俞策臣大令。功懋
優貢。案號幼珊。海鹽人。
官廣東。知縣。受小戴禮唐人詩歌凡半載。大令辭去。瀕行。公

流涕牽衣不忍別。乃留畫六葉慰之。俞策臣
畫冊跋

韓太夫人爲公娉姑壻昆山李蓼生方伯女。方伯將出守貴州遵義府。文定始出都。韓太夫人授

公高叔祖東川公廷耀手批本漁洋山人精華錄晨夕几案。未嘗離去。公漁洋山人精華錄跋

穆宗同治元年壬戌一千八百六十二年公十三歲

秋從仁和高僞生大令偉曾開筆。自謂平生詩詞門徑及諸辭章應讀書。皆稟大令指授推類得之。

先生多交遊。暇則蠅頭字鈔張天如通鑑紀事本末。谷氏明史紀事本末論。公因是知明季復社文

學。是時王硯香先生□□館公舅家。二先生日爲詩詞唱和。公私摹放爲之。匿書包布下。大令察得

之。唉且戒曰。孺子可教。俟他日。此時不可分心也。公知抗厲自此始。護德瓶齋筆記

是年連州公遊宦粵東。沈廉仲補讀書齋遺稿跋

同治二年癸亥一千八百六十三年公十四歲

春高僞生大令辭去。大令自館中登車。公送於門。賓客多。不得僂言。公流涕。大令顧公亦流涕。

護德瓶齋

同治三年甲子一千八百六十四年公十五歲

六月洪秀全之亂平。

同治四年乙丑一千八百六十五年公十六歲

同治五年丙寅一千八百六十六年公十七歲

公是時頗有廣交游。修結納之意。既而悔之。據傳札與某書。案書此下云感鄒南皋言而止。

同治六年丁卯一千八百六十七年公十八歲

是時家困甚。以祖傳初拓靈飛經。錢警石稱爲第一。沈家本者。質米於估家。才朱提三十銖耳。案公沈厚

珍藏靈飛經跋云：往在蜀都。錢徐山先生嘗語余：譬石老人晚歲平賞石刻。偏覽不中故家小楷名帖。於靈飛經。必稱沈家本第一。當時徐山丈。沈維宜。蔣寅舫。張叔未先生。家各出所藏以相較。無能顏頤者。帖後先亦部公。撫至京邸。散帙未裝。拓工精絕。鋒銛纖麗。不異手書。墨華濡潤如宋拓。余幼時猶見之。記其神采。宛在目前。丁卯戊辰之間。質米於估家。才朱提三十銖耳。思之痛心。彌棘針刺臆也。

同治七年戊辰

一千八百六十八年公十九歲

是年從錢唐羅吉孫中書

學成

遊才數月

據護德瓶齋筆記

同治八年己巳

一千八百六十九年公二十歲

公天性耆學

哀啓

目數行下

先大夫二欣室文集序

於學無所不闕

哀啓

自少卽沈潛義理承司空公之緒

傳

既又盡通國初及乾嘉諸家之說

王靜安徵君國維觀堂集林卷十九沈乙盦先生七十壽序

尤深於史學掌故博學詳說恆廢寢

食家貧體弱冬日無絮衣手指僵裂終不釋卷晚年有要瘕疾實以此也

哀啓 案公少時家奇貧兄弟只長衣一襲每易之而出無

襪常白足
得之緒論

同治九年庚午一千八百七十年 公二十一歲

秋公以太學生應順天鄉試同考官羅繹農家勛 公庚辰會試錄卷又翁文恭公同蘇八月初六日日記 得公及閩縣王可莊仁堪 卷

詫爲奇才羅繹公惇鳳 輓公詩注 薦於主司公報罷羅大惋惜

同治十年辛未一千八百七十一年 公二十二歲

同治十一年壬申一千八百七十二年 公二十三歲

夏李逸靜夫人余敏齋參議肇康敏齋詩存 來歸案成昏之日月已不可考惟公七十三歲民國十一年六月十一日曾舉行重諧花燭則是年昏期亦當在六月十一日矣 夢生方伯時

官四川川東道見先大夫賜遠常手諭 公杭海南來由滬溯江西上至成都就姻案公乙卯稿及海日樓詩集晚望詩云昔遊蜀道記初程自注余

第一次至滬爲同治壬申入蜀就姻航海南來派江西上時金利源碼頭尚未成也又海日樓詩集卷二借芻卿赴雪陸招中涂陷車傷足詩有云平生舟車厄蹉跌劇經過掀淖鼠雀輪摧帆灩澦枯車傾曾敗面輓脫不傷僕摧帆事當在此經紫柏嶺謁留侯祠泉石清絕爲徘徊不忍去公題周東邨棧道圖詩跋 既偕夫人同還京師夫役他則不可知矣

人卽質衣飾。供菽水。自是內助得人。益得嬀心。劬學哀啓。偶爲應世之文。有譽於京師。金傳

同治十二年癸酉一千八百七十三年公二十四歲

秋。公領順天鄉薦。中式第二十二名。見公會試硃卷。四書題爲回也三月不違仁。凡爲天下國家有九經。所以行之者一也。孟子曰人有恆言皆曰天下國家天下之本在國國之本在

家之本在身詩題賦得湖色寄涵萬象虛得涵字見李座主爲協辦大學士刑部尙書全慶左都御史

胡家玉吏部右侍郎童華戶部左侍郎潘祖蔭公會試硃卷李悉伯桃華聖解愈日記

同治十三年甲戌一千八百七十四年公二十五歲

□月薄遊太原。公具茨集跋

德宗光緒元年乙亥一千八百七十五年公二十六歲

公在乙亥丙子之間始爲蒙古地理學得張氏蒙古游牧記單本沈氏落颿樓文稿以校鄂刻皇輿

圖。李氏八排圖。稍稍識東三省內外蒙古新疆西藏山水脈絡。家貧苦無書。無師友請問。獨以二先生所稱述爲指南。祕史刻在連筠篴叢書中。時價十二兩。非寒儒所能購讀。一日以京蚨四千。得單印本於廠肆。挾之歸。如得奇珍。嚴寒挑鐙。夜漏盡不覺也。海日樓文集卷上
聖武親征錄跋

公嘗言所由粗識爲學門徑。近代諸儒經師人師之淵源派別。文字利病得失。多得之武進李中耆及鄉先輩錢衍石先生文集中。兩先生吾私淑師也。而錢先生同鄉里爲尤親。舉凡錢先生之敬歷志事。與夫音容咲貌。性情嗜好。往往有小聞瑣語。覆而證諸文字空曲交會之中。先生之微尙淵思。若親接於警效。若從先生上邱陵而從其指鄉。其樂意乃每得之意外。而視俗尙所趨。當代文人所標持爲職志。而譁寵一時者。又若先生時時爲吾挾其利弊。學在此不在彼也。同此志同此樂者。則有公表弟李橘農提法。傳元與公弟子封提法。時兩提法治算學。公治地理書。三人各有專家。而文學指歸。壹折衷於錢氏。海日樓文集卷
上定廬集序

光緒二年丙子一千八百七十六年公二十七歲

是年公弟子封游東省歸公始聞詩有二李晚唐之說

公徐文山大令手鈔賈浪仙長江集跋

光緒三年丁丑

一千八百七十七年

公二十八歲

是年赴粵省觀連州公於廣州

案寐叟題跋一集下畫跋丁丑遊粵省觀叔父二集下俞策臣畫冊跋則謂戊寅辛巳余適粵再相見疑誤或謂適粵見前公之年今不從歸期不可

考是行得交陳蘭甫

澧講學甚契

案蘭甫與廉仲夙契蘭甫序司空補讀書齋遺稿在同治十年即謂廉仲與澧交好數年又案海日樓詩集卷二節庵自粵歸以蘭甫先生書畫扇面見貽

詩通德網前請益時講堂接式夕陽遲列和晉樂宮聲新成國齊音舌腹知云云當謂此時也

光緒四年戊寅

一千八百七十八年

公二十九歲

光緒五年己卯

一千八百七十九年

公三十歲

公登鄉薦後得候選部寺司務

案公會試硃卷稱候選部寺司務不知得在何歲姑繫於成進士之前一年又案據公俞策臣畫冊跋是年尚在粵不知何時歸京師

光緒六年庚辰

一千八百八十年

公三十一歲